

Hoatu Tonu Rā e Rastus

Nā Angie Belcher


Whatukura

He Whakatau

Me mātua pānui kia mārāma rawa koe i ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. Kātahi tētahi hononga rerekē rawa atu. Ko Rastus te ngeru eke motopaika me tōna hoa piripono a Max te kaitaraiwa i te motopaika. Pānuihia kia mōhio ai koe i tētahi hononga miharo mō tēnei ngeru me tōna tino hoa.



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatitina rawa te pūkenga tiro whakamua. Matapakihia ngā kupu hou me mahi rawa te kupu taka me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te fīmatanga ki te mutunga o te pānui.

Ki te kite koe i tētahi ngeru e noho ana i runga i tētahi motopaika ka aha koe? He mea rerekē tēnei ki a koe? He aha atu anō ētahi āhua rerekē rawa atu kua kite koe e pā ana ki te kararehe? He aha e mau tonu nā a Rastus i runga i te motopaika? Tēnā, whakaarohia he aha a Rastus i pīrangi ai ki te eke motopaika. Tuhia he kōrero mō tētahi kararehe miharo rawa atu e mōhio ana koe.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tataui i ngā hē), te rere o te reo;
- titiro mēnā e mārāma ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini whitireo, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. Ko wai a Rastus?
2. He aha te tino kaingākau o Max?
3. He aha te tino mahi a Max rāua ko Rastus?
4. Ki ōu whakaaro he aha a Rastus i mau pūmau ai ki a Max?
5. Ki ōu whakaaro he aha i tino ohotata ai te tangata ka kite ana i a Max rāua ko Rastus?

Ngā whakautu ki ngā whakapuaki māramatanga

1. Te ngeru a Max.
2. Ko tana motopaika.
3. He huri haere ki te kōhi moni mā ngā kararehe kua tūkinotia.
4. He maha ngā whakautu rerekē.
5. He maha ngā whakautu rerekē.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te He Tirohanga Whānui mō ngā tino āhuatanga o te pukapuka nei.

Te pūtake

T He tuinga rerenga whakaaturanga kiripuaki mai i te pukapuka.

He whakatakinga ā-roto, he whakaharatau

He tautuhi i tētahi kiripuaki mai i te pukapuka kia mōhio ai te ākonga i te tino painga o te kiripuaki i roto i te kōrero. Me āta matapaki rawa te āhua, te tino mahi a Rastus. Hei tauira (whārangi 4):

– He punua ngeru mutunga mai o te pinepine a Rastus.

Kia taunga ngā ākonga ki te tipako i ngā āhuatanga o te kiripuaki ka tuhi ai. Me whakanikoniko te mā te pikitia.